



Aningaasaqarnermut, Aatsitassanut, Inatsisit  
Atuutsinneranut Naligiissitaanermullu  
Naalakkersuisoq

Ulloq: 28-03-2022  
J.nr.: 01.31.06/22-00975

## **Aningaasaqarnermut Akileraartarnermullu marlungornermi ulloq 23. marts 2022-imi aalajangiineranik Naalakkersuisunut ilisimatitsineq**

### **Nukissiorfiit Nunap karsiani tiguisinnaatitaanerannik qaffaanissaq pillugu ilassutitut aningaasaliissuteqarnissamik qinnuteqaat. Ataatsimiititaliap suliaa nr. 01.31.06/22-00975**

”Naalakkersuisut inassutigaat,

- kontumut pingaarnermut 20.10.11 Ilanngaaseereerluni erniat, oqaasertaliussaq, ilanngussaq ilanngunneqartoq naapertorlugu, 2022-mut ilassutitut aningaasaliissutinut inatsisissatut siunnersuummi ilanngunneqassasoq.”

### **Aningaasaqarnermut Ataatsimiititaliap oqaaseqaatai apeqqutaalu**

Kontumut 20.10.11-mut oqaasertaliussat allanngortinneqarneratigut Nukissiorfiit tiguisinnaatitaanerata 2022-mi 16,7 mio. kr.-inik qaffanneqarnissaa qinnuteqaat una aqqutigalugu Naalakkersuisut kissaatigaat.

### **Aningaasaqarnermut Ataatsimiititaliap aalajangiinera**

Siuliani allassimasutut oqaaseqaateqarluni apeqquteqarlunilu inassuteqaatit siuliani allassimasut Aningaasaqarnermut Akileraartarnermullu Ataatsimiititaliamit akuerineqarput, taamaalillunilu isummernissamat tunngavissiamut ilanngussaq 1 naapertorlugu oqaasertaliussaq una akueralugu:

## **Aningaasaqarnermut, Aatsitassanut, Inatsisit Atuutsinneranut Naligiissitaanermullu Naalakkersuisoq - Suliassaqarfik 20 – 24**

### **Kontumut pingaarnermut 20.10.11 Ilanngaaseereerluni erniat**

Al2022-mi kontumut pingaarnermut matumunnga oqaasertaliussaq tassungalu atasut nassuiaatit peerneqarnissaat qinnutigineqarpoq aammalu oqaasertaliussaq manna 2022-mut ilassutitut aningaasaliissutinut inatsisissatut siunnersuummi kontumut pingaarnermut matumunnga ilanngunneqassasoq qinnutigineqarpoq:

”Naalakkersuisut Nunatta Karsiani ima tiguisinnaatitaanermut piginnaatinneqarput:

Mittarfeqarfiit	200,00 mio. kr.
Nukissiorfiit	86,70 mio. kr.

Tiguisinnaatitaanermik atuineq ukiumut 3 %-imik ernialersorneqassaaq. Uninngasuutit ukiumut 0 %-imik ernialersorneqassapput. Erniat ullut ingerlasimasut amerlassusiviisa ukiumik ataatsimik ullunut 360-inut avinneqarnerat tunngavigalugu naatsorsorneqassapput. Tigusat imaluunniit uninngasuutit erniaat ullormiit ullormut naatsorsorneqartassapput qaammatit pingasukkaarlugit siumut nalunaarneqartassallutik.”

### **Kontumut pingaarnermut 20.10.11 Ilanngaaseereerluni erniat, nassuiaatit**

Al2022-mi kontumi pingaarnermi matumani oqaasertaliussamut nassuiaatit peerneqassasut qinnutigineqarpoq aammalu nassuiaatit makkua 2022-mut ilassutitut aningaasaliissutitut inatsisissatut siunnersuummi kontumi pingaarnermi matumani ilanngunneqarnissai qinnutigineqarpoq:

”Mittarfeqarfiit Nukissiorfiillu ulluinnarni ingerlanneqarneranni aningaasat tigorianaat nikerartarnerat pissutaalluni Nunatta Karsianit tiguisinnaatitaanissaq pisariaqartinneqarpoq, tassami suliffeqarfiit namminersortitat niuernikkut atugassarititaasut malillugit taarsigassarsinnaanngimmata. Suliffeqarfinni namminersortitani aningaasat uninngasuutigineqartut ukiumut 0%-imik ernialersorneqartarput.

Illassutitut aningaasaliissuteqarnermi matumani Nukissiorfiit Nunap Karsiani tiguisinnaatitaanerata 70-iniit 86,7 mio. koruuninut qaffanneqarnissaa qinnutigineqarpoq. Nuup kiisalu Qasigiannugit Aasiaallu pilersorneqarnerannut erngup nukinganik nukissiorfinnik taakkununggalu atatillugu atortunik sanaartornermut, aningaasalersuinermit ingerlatsinermullu killiliussatut atugassarititaasut pillugit Inatsisartut inatsisaat nr. 22, 1. december 2021-mersup akuerineqarnera, tamatumunnga tunngaviusoq.

Nukissiorfiit siunertamut matuma siuliani allassimasumut, neqeroortitsinerup ingerlanneqareernissaata aammalu sanatitsisumik toqqaareernissap tungaanut, ingerlatassanik arlalinnik ingerlataqassaaq. Tassani pineqarput ASN-imut nassuiaat, ilassutaasunik misissueqqaarnerit kiisalu neqeroortitsinermit najoqqutassanik suliaqarnermut sanatitsisumillu toqqaanermut ikiorteqarneq.

Nukissiorfiit missingersorpaat tamatumunnga aningaasartuutissanik ukiuni 2022 – 2026-mi katillugit 51,1 mio. koruuninik aningaasartaqassasut, taakkunanga 2022-mut aningaasartuutissat 16,7 mio. koruuninik annertussuseqassasut nalilerneqarluni. Aningaasartuutit taakkua Nukissiorfiit maannakkut aningaasaliissutit atorlugit aningaasalersornissaannut periarfissaqanngilaq.

Neqeroortitsinermit misissueqqaarnermullu il.il. matuma siuliani allassimasumut, tiguisinnaatitaanermut eqqarsaatigineqartut ulluinnarni ingerlatsinermi aningaasaatini tigoraaannarni nikerartussatut isigineqarsinnaanngitsumut, atorneqartussatut Nukissiorfiit tiguisinnaatitaanerannik annertusititsinissaq soorunami naapertuutinnigilaq. Tassunga atatillugu eqqumaffigeqquneqassaaq piffissami aggersumi suliniutinik allanik ingerlatsiniartoqartussaammat, suliffeqarfiup maannakkut pilersuinermit sanaartugaataannut, annertuumik kinguaattooruteqarfiusutut nalilerneqartunut, Nukissiorfiit ungasissumi aningaasaqarnikkut unammilligassaannik iliuseqarfiginniffiuniartussanik.

Oqaasertaliussaq iluarsisatut ilusilerlugu AI 2021-miit ingerlateqqinneqarpoq.”

Ataatsimiititaliaq sinnerlugu



Jens Napaattoq

Aningaasaqarnermut Akileraartarnermullu Ataatsimiititaliap siulittaasua